

摘藻堂四庫全書薈要

史部

欽定四庫全書薈要

史部

硃批諭旨卷四十四下

詳校官編修臣繆晉

欽定四庫全書薈要卷七千九百三十五

史部

硃批諭旨卷四十四下

硃批宜兆熊奏摺

雍正五年正月二十八日署理直隸總督臣宜兆

熊協理直隸總督臣劉師恕謹

奏為奏

聞事竊臣於清查各屬倉庫案冊前督臣李紱竟於各  
牧令交代案內有將虧缺社倉穀石批令豁免者

有將正項銀米批令將耗羨彌補者有將長墊長  
欠數目批令准抵缺項者有將現貯社倉穀石批  
令抵算別項米穀者有將未解耗羨銀兩批令免  
解者種種欺混紊如亂絲臣等受

恩深重不敢扶同徇隱上負

高厚除現在飭行布政司造具清冊另疏具

題恭候

皇上勅部查議外合先奏

聞伏乞

皇上睿鑒謹

奏

覽所奏朕嘉悅之至內外大臣皆能如此一秉至公據  
實敷陳毫不瞻前顧後則直道行而風俗美將見天下  
吏治肅清於

社稷蒼生裨益豈淺鮮哉勉之勉之

同日又

奏為奏

聞事竊查直屬各營馬步兵丁歷來院司將下年正二  
三月一季之餉俱於上年之冬借司庫存貯銀兩  
先行支給俟

題撥部覆之後徵解到日卽行清扣還庫此事歷來  
已久前經督臣李紱

奏明借給在案惟查直屬陋弊各營兵丁於預放春  
餉之外復有借領銀兩本年夏秋冬三季之內陸

續扣除前督臣李紱據布政司德明張适呈詳請  
示有業經

奏明照舊借扣之批是以德明張适先後借出各營  
三季扣除銀共三萬九千八百七十三兩五錢臣  
等伏查預放春餉蓋恐撥定之銀解到稍遲則兵  
丁不無守候之艱是以先於存庫銀內通那預給  
撥解餉到卽扣還項洵為良法可以照行惟是多  
借銀兩三季扣除一事各營兵丁事故不一倘借

銀之後若有除名則所借之銀或於新補之兵名下坐扣或於闔營朋扣均非情理況

朝廷庫帑豈可市恩私借經年累月任其虛懸此等陋弊亟宜剔除臣等愚見將現在借出銀兩仍於本年夏秋冬三季內照數扣除嗣後永停借給至於督臣李紱曾否

奏明臣等未敢遽信理合奏

聞伏乞



皇上批示遵行謹

奏

李紱雖曾籠統奏過未經如此分析詳明朕所以有照舊借扣之批也今覽爾等此奏殊屬酌中之論應照所議行

同日又

奏為奏明事臣等查直隸順天府屬之霸州宛平大城良鄉武清保定府屬之安州高陽新安雄縣河

間府屬之任卹津軍廳晉州天津州靜海各州縣  
去年因積水未消田畝未經涸出不能播種前督  
臣李紱因窮民資生無策

奏請將督臣衙門鹽務飯銀八千兩又布政司衙門  
節存平頭銀一萬兩委員煮粥賑濟並聲明倘有  
不敷容臣

奏明酌量借糶在案茲臣等查霸州等處十四州縣  
報到文冊賑濟三箇月共需銀二萬八千四百二

十兩零尚不敷銀一萬零四百二十兩零今據新任布政使張适願捐銀一千兩又捐鹽法道解司項下餘平飯銀六百九十餘兩又前護按察使童華願捐養廉銀一千兩實不敷銀七千七百餘兩臣等伏查不敷賑銀雖據前督臣李紱以酌量借糶具

奏但查各屬倉糧臣等現在委員盤查若輕議借糶恐藉此滋掩飾之弊再三籌畫擬於司庫舊提公

用耗羨之內撥給充用至此外尚有霸州所屬之  
文安縣續詳該縣之乏食窮黎應賑濟一月需銀  
一千二百兩據布政司詳請支給前來已批令該  
司在於存庫耗羨項下先支銀五百九十兩委員  
賑濟外其未給銀兩亦請於司庫舊提公用耗羨  
內撥給理合

奏明伏乞

睿鑒謹

奏

據奏料理殊屬妥協觀汝二人此數摺數陳俱為合宜  
朕甚嘉悅勉之

雍正五年二月初三日署理直隸總督臣宜兆熊  
協理直隸總督臣劉師恕謹

奏為恭報瑞雪事竊臣等駐劄之保定府於本年正  
月三十日寅時起至亥時止得雪三寸有餘臣等  
伏查去年臘月得雪業已霑足今又有此雪今歲

春麥可望豐收卽秋禾亦得藉此發生洵屬豐年  
瑞應此皆我

皇上敬

天勤民感格所致臣等與闔省官民歡慶實深除所屬州  
縣得雪幾分查明另摺奏

聞外為此具摺謹

奏

此日之雪不待爾等奏報朕已稔知深為感慶然朕不

敢預定其必獲豐熟惟敬候

上蒼之錫賚吾民耳

同日又

奏為奏

聞事竊查司庫錢糧凡有出納自應正收正支以遵定  
例前任布政使德明有未奉

題撥未經准銷未據解到各項於司庫存貯現銀內  
預先支給共銀五萬二千二十二兩零又有那給

繕書口糧及提塘抄報並添平飯食各官借支等項共銀一萬三千五百九十八兩以上雖非虧空但預支者欸項糾錯那給者還補無期

國帑至重難免混淆據布政司張适造冊詳報前來除現在繕疏具

題外合先奏

聞謹

奏



凡百自應據實無隱但朕曾有旨與德明令其總聽蔡  
珽李紱指示而行所奏此二項或係伊奉該督所批或  
係伊所專主尚未可知耳

雍正五年二月十五日署理直隸總督臣宜兆熊  
協理直隸總督臣劉師恕謹

奏為叩謝

天恩事臣等齎摺千總回保捧到臣等前  
奏養廉不敷懇將鹽課平飯銀兩

賞給分用一摺奉

硃批應給與者知道了又於耗羨摺內請將銀二萬四千餘兩

賞給臣等作賞官犒兵並公出盤費及口糧工食等用  
奉

硃批若不敷所用另當請旨再定欽此臣等望

闕叩頭謝

恩伏念臣等庸愚陋質蒙

皇上天恩養養數十餘年頻加拔擢寸長未效深愧素餐今復蒙我

皇上於常祿之外又多

賜養廉公費銀兩豐餘贍足需用無虞臣等感激之私莫可言喻唯有共相勉勵竭盡駑駘以仰報

高厚於萬一爲此叩謝

天恩謹

奏

覽爾等奏謝知道了朕於內外大小臣工及天下一切事務惟準之於情理之中而已心無適莫也

同日又

奏為續報瑞雪普霑事竊臣等駐劄之保定府於本年正月三十日得雪三寸有餘臣等已經具摺奏聞並聲明俟各屬報到另行

奏報今據所屬各府州縣陸續申報正月三十日起至二月初一日止得雪六寸五寸至二三寸不等

臣等仰見我

皇上湛恩普徧無遠弗届是以

天降瑞雪亦無遠弗周豐年預兆闔屬官民咸深欣慶理

合奏

聞謹

奏

闔省均得沾沐

天恩洵為畿輔黔黎之厚幸朕惟以手加額稱慶而倍增

敬謹之誠耳期共加勉慎勿生高興縱逸之念切記切記

同日又

奏為據情轉請事竊查直屬滿洲駐防官兵所有應給兵米或該地方原有本色米石散給者或相近運河截漕支散者惟良鄉固安大興昌平三河玉田順義寶坻遵化保定雄縣霸州東安等州縣無本色可支前督臣李紱以米貴之年照價折給實

屬虧少請照滄州等處就近截留漕米支放等因  
具

題隨准部覆此數州縣距運河較遠裝運需費未便  
截漕倘歉收之年遵奉

諭旨奏請等因奉

旨依議欽遵轉行在案是良鄉等處十餘州縣駐防兵  
米將來給價採買臣等自當遵照奉行但臣等到  
任後據良鄉大興東安固安四縣駐防協領胡什

已等來文內稱雍正四年秋冬二季米價每石一兩五六錢不等今照折中定價每石給銀一兩實屬不敷業經詳報戶部准戶部覆稱應報明直督題奏等因呈報前來臣等隨查良鄉等處十三州縣駐防兵米內除順義縣業經前督臣李紱咨明戶部將倉米支給扣存價銀俟價平買補還倉又雄縣於截漕減糶米價平賤之時已照數採買支給均無庸置議外其餘各州縣有係地方官採買支



給詳報不敷者有各兵已照價領去而以不敷情  
由呈報者有因價少尚未領去者除一面批飭遵  
照定價給領外所有呈報前由臣等不敢壅於上  
聞理合據情轉

奏應否將良鄉等十一州縣雍正四年秋冬二季兵  
米一萬四千二百餘石每石量行加增之處出自  
皇上特頒

恩旨臣等未敢擅便為此繕摺具

奏伏乞

皇上睿鑒謹

奏

此項理應代為題請者當準時價之低昂量為加增若至一兩五六錢未免過多小人希冀之心何有底止亦安能滿其奢望耶爾等與各該協領商酌妥確再為具題可也

雍正五年三月二十二日署理直隸總督臣宜兆

熊協理直隸總督臣劉師恕謹

奏為奏

聞事雍正五年三月十七日據房山縣知縣尹元貢稟  
稱有一人手捧黃匣到職衙門要開門迎接說有  
陣圖進

上等語隨即拏住問其來歷據稱我名孫守禮係交河  
縣人有父孫應魁兄孫守仁在房山縣住我前年  
被父親逐出遇見一三功道人傳我陣圖說等渾

水清時可將圖樣進

上討官做這圖上火礮弩弓我都會製造等語看其人  
貌類瘋顛理合連人同陣圖黃摺解候察奪等由  
臣等當卽押發布按二司公同查訊復據供小的  
向來做木匠前年在十畝平東山嘴遇見一個道  
人叫三功道人會相面算卦他知道小的是木匠  
叫小的做四樣兵器是木礮背弩連珠弩木匣走  
線弩小的學不會小的吃了他的一鍾藥酒就跌

倒了夢裏見一個姓李的他教小的做這四件兵器小的醒來就會了他說他住在七堵泉山後來到那裏找不著他小的就上京到多老爺家做活雍正四年二月多老爺把小的薦到色老爺家收拾牕戶到三月十五日小的在齊化門外日壇西松樹林地方又遇見這個道人他說傳給小的圖樣並圖上詩句他向小的說渾水清時你可將圖樣進與

皇上用就可賞你官做那日小的見色老爺在桌上用  
豆子擺陣小的說我也會擺陣勢把兩張陣圖拏  
出來色老爺看見了圖拏陣書對著看那圖上的  
字是小的念出來他家的偏思漢寫的小的向他  
要還沒給小的那色老爺說你若這裏進日後地  
方官要查問的你果要進到你本地方官那裏去  
進罷因見今年渾水清了應驗道人的話小的要  
進圖樣就回到家裏自己畫了三張圖樣夾同院

住的李四相公照單寫的詩句摺子到房山縣去  
遞的又問那三功道人如今現在那裏呢據供京  
裏南城內有個清涼觀還有崇正觀那裏有他的  
道友只去查問就有下落了等情據此臣等察其  
供情跡涉妖言大干法紀除飭令將該犯加謹監  
禁嚴緝三功道人外所有訊據前情理合繕摺奏  
聞伏乞

皇上睿鑒施行謹

奏

爾等遇事直達不稍隱諱甚屬可嘉此事雖小然跡涉妖妄斷不可姑縱若云小人無知不過希圖僥倖何事不可為而必為此詭異不法之事乎已命該都統將二旗人查拏解往一併嚴審定擬具題以為天下妖妄不法者戒并可令直省督撫好為隱諱者愧朕豈樂於搜摘微細乎蓋治平之道抑邪乃所以扶正不得不如是也倘類斯等事漫不經心官不之理吏不之察則人皆



恬不為怪相習成風久之必至於蔓延而莫可究詰矣  
爾二人自蒞任以來立心行政皆優朕甚愉悅勉之

同日又

奏為請

旨事竊查學臣按試各府凡修理棚廠備辦什物以及  
心紅紙張獎賞花紅並日用水菜等項皆州縣供  
給此各省之通例也惟直隸李維鈞做守道時逢  
迎學臣勒派屬員每日折銀五十五兩繳送學

臣輪流承值因而虧空科斂百弊叢生流毒至今已成錮弊適學臣孫嘉淦到保公同會商亦謂此項實係浮濫亟宜革去臣等當即飭令布政使張迺於學臣應得養廉項下支銀五百兩就近交送以為日給薪水之資一面通飭所屬州縣止許循例照舊備辦柵廠什物等項其折銀供應之陋弊永行革除在案臣等伏查直隸學臣養廉經前督

臣李紱

奏請每年於布政司平飯項下支給銀二千兩但今

孫嘉

淦端人也爾等當作成之

州縣供應既經革去則日用未免不敷應否添給銀二千兩在於臣等公用耗羨銀內按季支出添給俾得盡心校士

恩出

皇上臣等未敢擅便理合奏明請

旨謹

奏

封疆大吏果能皆正色不阿釐剔陋習天下之弊何難  
盡除弊旣除則利自興矣萬姓豈有不蒙福之理勉之  
雍正五年閏三月初六日署理直隸總督臣宜兆  
熊協理直隸總督臣劉師恕謹

奏為奏

聞事雍正五年三月二十九日臣等准山西撫臣德明  
咨開希將任縣北宋里村匪類張文斗張祿紫張  
弄戈張文標段奇劉起鳳周有懷田帝育趙學朱

密拏並將張文斗家所藏不法器物一併搜解等  
因准此臣等卽刻遴委千總王繼禹前往協同該  
縣高琚密拏去後隨於閏三月初一日接到

欽差二員傳

旨命臣等派委能員協同前往任縣將匪類張文斗等  
嚴拏臣等遵卽選撥守備陳明道張士俊立刻帶  
兵跟隨

欽差連夜馳驛去後茲於初五日據臣等先經差去之

千總王繼禹回保稟稱於初一初二兩日將張文斗等九人按名全獲於初三日添差兵役交山西來員起解去訖至

欽差二員據王繼禹稟稱於栢鄉縣途遇尚未回保合併聲明為此謹

奏

朕意德明所奏關拏之匪類雖名姓鑿鑿其事或未必然不料竟實有其人大奇事也今幸按名全獲一無免

脫其中若似有神助云爾

雍正五年閏三月十二日署理直隸總督臣宜兆  
熊協理直隸總督臣劉師恕謹

奏為恭報雨澤事竊直屬地方時已暮春麥苗正需  
雨澤茲據各屬陸續呈報得雨前來查霸昌道屬  
之順義懷柔昌平文安延慶衛永清大城房山涿  
州通永道屬之薊州遵化武清保定府屬之祁州  
安肅容城涑水完縣新城新安深澤高陽東鹿河

間府屬之任邱肅寧故城東光交河景州滄州獻  
縣阜城吳橋正定府屬之正定井陘平山欒城順  
德府屬之任縣廣宗肥鄉南和廣平府屬之邯鄲  
清河宣化府屬之宣化保安直隸天津州直隸冀  
州並所屬之武邑棗強衡水河直隸深州並所  
屬之饒陽安平武強直隸晉州並所屬之無極藁  
城等各州縣衛俱於三月二十八九閏三月初一  
二三四等日得雨一二寸至三四寸不等臣等正



在繕摺間又據保定府清苑縣呈報閏三月十一日酉時起至十二日丑時止得雨五寸不特麥苗大有裨益而且秋禾亦得播種除俟別屬再有報到另行彙

奏外所有各屬並保定郡城各得雨日期分寸理合繕摺奏

聞謹

奏

畿內地方雖賴去冬之雪正二月之雨但入三月以來  
多風土脈乾燥朕恐已覺微旱前數次之雨甚細不過  
灑潤而已究屬無益昨於十一十二兩日連雨始覺霑  
足且得雨處甚寬山東河南俱報透足山西亦聞得雨  
尚未據撫臣奏到爾等所屬各州縣更有報到者其陸  
續奏聞

同日又

奏為請

旨事竊查正定鎮標復設將備馬步兵丁應給衙署營

房經前督臣李紱准鎮臣楊鯤移會行據布政使

張迺委員確估據報稱該鎮新添馬步兵共二百

三十五名內除南西北三路臺鋪龍固營安設馬

步兵九十名無庸添蓋外實存城馬步兵一百四

十五名共應蓋營房二百九十間又復設左營遊

擊現住龍固營守備舊有衙門其龍固營守備應

另行建造衙署十二間又復設右營遊擊應建造

衙署十五間共建造衙署二十七間通共需銀三千六百八十八兩零並無浮冒等情前來臣等自應循例具

題動撥正項銀兩給令蓋造但查磁州兵丁移駐彰德府建蓋營房經河南撫臣田文鏡

題明在於司庫充公銀內撥給建造今此項衙署營房事同一例相應

奏明在於司庫充公耗羨銀內撥給建造以資汛防

臣等未敢擅便理合奏

聞伏乞

皇上睿鑒施行謹

奏

彰德建蓋營房乃田文鏡破格通融之辦理也不可為  
例今此營房衙署所需銀兩應動國家經費之項何庸  
撥給耗羨以滋物議況豫省數年以來田文鏡料理得  
法公用銀兩豐裕可以通融汝等直隸不清之處甚多

豈必踵而行之宜少留餘力以為地方公務之用如煙墩礮臺修補城垣等工程皆汝等分內所應設法經營之事也此項仍行照例題請

同日又

奏為奏

聞事竊臣等前

奏雍正五年分耗羨摺內聲明雍正元二三四等年耗羨查明另

奏伏查雍正三年分耗羨一項原係前任督臣李維鈞

奏請將保定河間正定順德廣平大名六府屬及直隸晉州趙州深州定州冀州五州並州屬耗羨提解銀十一萬二千八百八十八兩零以六萬兩彌補無著虧空以五萬兩充各項公用奉有

俞旨 在案 臣等到任後細查卷案內除被災各處隨正糧蠲免及節次批免銀共除去銀一萬五千八百

四十餘兩零是當日

奏請雖有一十一萬二千有奇之數實只存銀九萬七千四十四兩再查該年錢糧已徵十分之八而所提耗羨止據各屬完解過銀四萬三千九百九十一兩零尚未完解銀五萬三千五十三兩零其已完銀兩內除彌補過靜海縣故令馬任遠等無著虧空銀二千四百四十三兩零似應准其支銷又陞任布政使德明那支銀一千六百一兩零墊



發抄報等用無庸置議外尚應存庫銀三萬九千九百四十五兩零內前任督臣李維鈞蔡珽李紱并陞任布政使德明共動用過銀三萬九千五百九十一兩零實現存司庫銀三百五十四兩零臣等現在將各名下動用銀兩逐一查明繕具清摺

恭呈

一一覽過內下之鑰堤工一項應加查核

御覽至未完銀五萬三千五十兩查各屬現徵正糧民欠約銀六十萬兩拖欠耗羨如此之多此皆從前

任其那用因循不解且內有陞遷事故離任者將

來恐未能如數催收臣等不敢欺飾除現飭布政

應命

張適盡力查催毋得諉卸前人因循之咎因在從

使張適查催解報統俟歲底造具管收除在四柱

前然

接任者不力行辦理其咎亦與前任等亟令加意

清摺奏

清楚

聞抑臣等更有請者直屬尚有從前涿州叅革知州佟

國翼天津州叅革已故守備李士謙周兆虎孔興

祉靜海縣叅革故令馬任遠滿城縣叅革故令孟

以恒六案無著虧空尚未補銀七千九百餘兩應

奏明於此項未解耗羨之內俟徵解到日動支彌補  
知道了但無著各項原委亦當確查明白如有徇縱情  
弊不可漫無分別踵而行之也  
皇上睿鑒批示遵行謹

奏

覽

同日又

奏為酌提耗羨事竊查督臣李紱

奏請雍正五年各州縣耗羨提解四分為道府各官

養廉及通省公事之需其餘六分存留該州縣自行支用蒙

皇上發摺查議臣等因查州縣衝僻不同錢糧多寡各異若槩以四六分派立法殊未公允再三斟酌已定議具

奏今查雍正四年分錢糧因去年奉

旨停徵未及完納十分之一二茲已開徵所有耗羨自應悉照五年之議分別解存以充支用查保定等

六府直隸天津等六州所屬各州縣共應徵收耗羨銀二十六萬九百五十四兩零內除起解內部及司府平飯並各官養廉銀一十三萬五千八百十三兩零實提解司庫銀一十二萬五千一百四十一兩俱令存庫遇有地方公事

奏明支用仍於歲底造冊繕摺奏

聞再查各官養廉今歲業已派給其四年耗羨內似可無庸復派但去年因值停徵各官不無借墊支用

是以仍議補給惟陞遷事故之員如其人現在並  
有揭借未清者亦令照數給予以清墊項若已交  
代清楚遠去者則將該員應得銀兩飭令解貯司  
區處公當庫以充公用是否有當伏乞

皇上睿鑒批示遵行謹

奏

覽

德明任內那借之項張适若有意不力為催補欲歸過

於他人以證其前言之不謬則斷然不可設有此等意見爾等豈得任其懷私自用耶款項既經明晰張迺之奏已是矣此間若能照數補完可謂兩全之舉孰有善於斯者乎

提督順天學政國子監祭酒臣孫嘉淦謹

奏為據實陳情仰祈

睿鑒事竊臣受

皇上高厚之恩無可報稱每思時時小心事事和平

毫不敢出於情理之外伏查學院一官為費甚大按臨考試闔署皆行額設書承阜役三四十人看卷幕客家人長隨及各色人等將近百人封門考試之時值場教官巡風阜隸內班門子火夫不下三四十人此百餘人之飲食柴炭一切所需以及騾馬草豆其費不可枚舉極其省減日費二三十金計一年之需為數甚多此項若出自



朝廷則無此制祿之典其勢必需州縣供應三年兩  
試每縣承值不過一二日歷來相沿已有成規  
不可輕為更張故臣於請

訓之日曾經啓

奏照舊取辦比及出巡路過保定見署理督臣宜  
兆熊協理督臣劉師恕二人合辭力言供應宜  
除臣屢次相商謂前院舊規五十五兩臣僕從  
減省但得其半便可足用而劉師恕言減至一

兩亦不可行且言伊等自行啟奏

皇上撥解公費接濟臣因考牌先行正定生童皆已  
守候不便耽延無奈向司庫支銀五百兩前往  
正定不及一月銀已用完拮据萬狀而伊等並  
無接濟其如何啟奏之處一切不令臣知臣反  
覆思維此事實屬孟浪考試

大典年年舉行宜圖久遠不可冒昧撥解公費究非  
成例難以通行且學臣之所需亦不止考棚飲

食而已幕客之束修僕從之工食紙筆衣服之  
資家眷賓客之費皆萬不能已尚望

皇上格外之恩督撫解推之誼今乃并公事之一飯  
而裁之此豈可以久遠通行者哉臣受制於人  
衣食維艱而人言且謂臣裁供應不近人情將  
來必誤公事若不詳陳始末仰懇

皇仁則是臣內受艱窘之累外負矯偽之名目今欲  
要供給則州縣不出欲求幫助則督臣不應欲

考試則力實不支欲停考則心實不敢一時愚昧蹈此陷阱伏望

皇上憐臣之愚諒臣之苦

勅諭督臣速為撥解先濟目前之急詳為區畫使有久遠之規則不唯臣受再造之

恩而將來學臣皆沐

皇仁於無既矣臣謹

奏

前日因爾等所奏批行茲覽孫嘉淦此摺朕前諭誤矣  
孫嘉淦非騷擾地方貪饕者比爾等何不量情一至於  
此且爾等前奏云孫嘉淦亦願裁革供應等語今觀伊  
所奏何大相矛盾耶諭到可仍循舊例而行假若孫嘉  
淦似吳襄之折價抑或分外苛求勒索令地方官詳揭  
若地方官借名任意冒開亦令學政咨參爾等再加留  
心察訪如是互相稽查檢束方可杜絕後來之流弊孫  
嘉淦端士也宜作成之

雍正五年閏三月二十二日吏部尚書仍署理直  
隸總督臣宜兆熊禮部右侍郎協理直隸總督臣

劉師恕謹

奏為遵奉

聖訓事蒙

皇上發學臣孫嘉淦奏摺臣等欽奉

諭旨卽飛飭布政司轉行各州縣於應得養廉內仍循  
舊例而行嗣後如有分外勒索令地方官詳揭若

地方官任意冒開令學臣咨參互相稽查後來之  
流弊庶可杜絕為此繕摺覆奏伏乞

皇上睿鑒謹

奏

今既循照舊規供應則養廉一項再當斟酌

同日又

奏為請

旨事竊查天津關稅務原係按察使浦文焯監收今浦

文焯因前任河間府任內諭令東光縣知縣李文淑擔承丁憂知縣鄭三才虧空一案經臣等具

題奉

旨將浦文焯發審臣等伏思稅務關係錢糧今既缺員自應遴選具

題第查直隸各道有水利營田及司放兵餉諸事不能分任而各府知府亦皆有盤察錢糧核審刑名之責既難離署遠去又難相隔遙制現在實無可



委之員仰懇

皇上於部屬內

簡用一員前來經理裕課恤商與錢糧實有裨益是否  
有當伏乞

睿鑒批示遵行謹

奏

各部郎官優者留辦部務才宜外任者皆揀選道府目  
下知府員缺甚多需人補用朕為此正在搜羅若有能

勝斯任者卽早已補授府缺矣浦文焯旣離臬司之任更屬閒身若令其戴罪監收稅課寧肯營私廢公復蹈愆尤耶或令其再為經營一年抑或令趙國麟兼管之處爾等斟酌妥協另奏以聞

同日又

奏為續報兩澤事竊臣等以各屬得有兩澤緣由具摺

奏報奉

硃批十一十二兩日連雨始覺霑足爾等所屬各州縣  
更有報到者其陸續奏聞欽此仰見

皇上民依念切宵旰憂勤臣等身任地方敢不益加儆  
惕今據各屬陸續報到未及一寸者不敢繁敘外  
查霸昌道屬之涿州房山霸州文安保定永清大  
城東安良鄉通永道屬之通州武清遵化永平府  
屬之盧龍灤州撫寧遷安山海衛樂亭昌黎豐潤  
保定府屬之安肅唐縣容城完縣深澤祁州慶都

安州新城縣左所博野高陽定興蠡縣新安雄縣

涿水河間府屬之肅寧任邱故城滄州阜城正定

府屬之阜平行唐直隸冀州屬之棗強直隸趙州

並所屬之隆平直隸深州並所屬之安平饒陽直

隸定州並所屬之新樂曲陽直隸天津州並所屬

之青縣靜海順德府屬之邢臺鉅鹿平鄉唐山南

和廣宗沙河任縣廣平府屬之磁州清河雞澤廣

平成安肥鄉邯鄲大名府屬之元城大名南樂魏

縣等各州縣衛所於十一二三等日得雨一二寸  
至四寸不等除俟再有報到另行彙

奏外所有現據各屬報到得雨情形臣等謹遵

諭旨繕摺奏

聞謹

奏

因十一十二兩日京城澍雨霑足朕料直隸通省亦然  
故前有諭問之旨後訪知通州涿州得雨不過一二寸

薊州僅得微雨一陣甚為可訝觀此情形雖去冬今春  
雨雪不斷入三月以來風多土燥值茲春夏之交麥禾  
需雨更殷朕在此虔誠祈禱爾等亦當省察吏治檢點  
刑政朕意或由田野之小民迫於催科心志不舒上干  
天和之所致歟前已明白曉諭爾等當密諭州縣各官審  
度民力斟酌行之但民可使由之不可使知之也

雍正五年四月初四日吏部尚書仍署理直隸總  
督臣宜兆熊禮部右侍郎協理直隸總督臣劉師

恕謹

奏為覆

奏事雍正五年閏三月二十二日臣等接到內閣札  
開閏三月十七日大學士朱軾張廷玉面奉

上諭直隸所有帶徵錢糧若目下催徵恐小民力量不  
足應緩至麥收之後爾等便中寄信與總督令其酌  
量行之欽此臣等伏誦

諭旨仰見我

皇上視民如傷

聖恩有加無已遵卽細查去歲原報秋成分數如八分  
以上者目下雍正四五兩年錢糧似不妨並徵若  
七分以下者目下止徵雍正五年錢糧其一切舊  
糧俱暫寬緩臣等分別定議密諭州縣留心照行  
不得稍有違錯但不必出示亦不必撤櫃務期行  
所無事以仰副我

皇上教養兼施之至意是否有當伏乞



睿鑒謹

奏

所奏甚是牧民之道知其疾苦則寬其力以遂其生耳其所以寬之之意又寧必家喻而戶曉耶

雍正五年四月初八日吏部尚書仍署理直隸總督臣宜兆熊禮部右侍郎協理直隸總督臣劉師恕謹

奏為恭報甘雨事竊照各屬閏三月十一二三等日

得雨處所經臣等具摺

奏報茲又據各屬陸續呈報前來查開州長垣清豐  
東明於閏三月二十一二兩日各得雨四五寸二  
十六日又得雨二寸梁城所寶坻於閏三月二十  
三日得雨二寸武清於閏三月二十八日得雨一  
寸餘通州於四月初一日得雨三寸文安大城保  
定於閏三月二十八日得雨三寸永清固安於四  
月初一日得雨二寸涿州良鄉於四月初四日得

雨三寸昌黎樂亭灤州於閏三月二十八日得雨  
一寸至四寸不等玉田於四月初二日得雨一寸  
新安完縣雄縣容城涑水於閏三月二十八日得  
雨一寸至三寸不等安肅易州定興新城於四月  
初四五兩日得雨二寸至四五寸不等鹽山於閏  
三月二十二日得雨二寸滄州於四月初五日得  
雨一寸天津青縣靜海於閏三月二十八九兩日  
得雨一寸至四寸不等廣平於閏三月二十六日

得雨一寸宜化懷安保安於閏三月三十日得雨  
一二寸不等正在

奏報間於四月初六日保定郡城得有甘雨據清苑  
安肅博野深澤新安蠡縣唐縣滿城高陽安州祁  
州雄縣慶都河間肅寧深州安平饒陽定州涿州  
保定等州縣於四月初六日各報得雨二三寸至  
四五寸不等臣等伏查麥田需雨之時得此甘澍  
不特二麥得以暢茂而秋禾未種地畝亦得乘此

播種此皆我

皇上虔誠祈禱上格

天心之所致 臣等實為欣慶理合繕摺恭

奏以慰

聖懷謹

奏

畿內今歲雨澤不均當實心體察吏治刑名恐懼修省  
以仰答

上天譴告前三月底閏三月初旬已據報稱得雨秋禾何以未經播種查明情由具奏以聞

題補河員之摺交怡親王等議行矣

雍正五年四月十五日吏部尚書仍署理直隸總督臣宜兆熊禮部右侍郎協理直隸總督臣劉師恕謹

奏為欽奉

諭旨事竊臣等齎摺千總回保捧到臣等前奏雨水一

摺奉

硃批畿內今歲雨澤不均當實心體察吏治刑名恐懼  
修省以仰答

上天譴告前三月底閏三月初旬已據報稱得雨秋禾何  
以未經播種查明情由具奏以聞欽此伏查直隸地  
方今歲雨澤不均上厯

聖懷屢頒

諭旨誠臣等省察吏治刑名臣等敢不敬謹服膺實力

奏行以副我

皇上惠養元元之至意查直屬土俗穀雨種穀小滿種  
黍稷今歲遇閏節氣稍遲前三月底閏三月初旬  
有雨之處秋禾皆已播種其雨少之處人力不齊  
尚有未經盡種者然此番甘澍得雨地方農民乘  
時補種可無遲誤之虞也再訪查往年情形如或  
得雨最遲卽至五月初旬仍可播種晚禾理合繕  
摺奏



聞以慰

皇上重農望歲之殷懷謹

奏

古之人慮患於未然今二麥需雨甚殷而秋禾尚有未  
播種者則微旱情形已見矣朕為此晝夜焦心爾等乃  
恬不知懼而曲以閏月節氣為解謂此番甘澍布種猶  
無遲誤之虞欲以此語寬慰朕懷朕若信以為實遂爾  
寬懷則與爾等視民疾苦如膜外者何別耶雨澤愆期

蓋由於爾等漠不關心民隱之外咎覽奏不禁為之憮然  
查各省奏到今歲春雨在在及時霑足卽京城左近圓  
明園一帶亦皆雨澤優渥惟爾等所居畿南保定等各  
郡縣殊覺暵乾爾等竟毫不介意不知具何等心胸也  
甚屬昏闇不明天人感應之理亟當返躬自省敬之慎  
之

同日又

奏為奏

聞事竊查陞任布政使德明出納庫帑有正項先支銀  
五萬二千二十二兩雜項先支銀一萬三千五百  
九十八兩經臣等

題明在案今催據布政使張迺轉催各屬徵解前來  
查正項先支已陸續還款銀二萬七千九百一十  
兩零尚未還款銀二萬四千九十餘兩雜項先支  
已陸續還款銀八百五十九兩零尚未還款銀一  
萬二千七百三十九兩零除現在嚴飭布政使張

适分案查催俟各屬解到並奉准銷到日歸欸另  
奏外所有已歸各數理合奏

聞伏乞

皇上睿鑒謹

奏

竭力催完

宣化府知府牟澍伊父曾任布政使朕因伊亦係科甲  
出身故用於此缺及面請訓旨時看其人甚庸碌未知

受事後才堪勝任否爾等留心體驗毋因朕特用之員而漫置不問也再知州黃成章聞甚柔懦不能精勤辦事亦當加意考察

雍正五年四月二十六日吏部尚書仍署理直隸總督臣宜兆熊禮部右侍郎協理直隸總督臣劉師恕謹

奏為叩謝

訓旨事竊臣等齎摺千總回保捧到前奏補種秋禾一

摺奉有

硃批臣等祇領伏念直屬各府雨澤不均我

皇上宵旰焦勞屢

誠臣等省察吏治刑名

聖諭之指示甚為明晰臣等昧於天人感應之理不能  
深自警省罪無可逭並蒙

皇上諄切訓誨臣等跪讀之下悚惶戰慄愧汗交流竊  
查數月以來各省春雨在在調和而臣等所屬之

保定等府雨澤獨少此皆臣等不能省察不知憂懼之所致也臣等恭繹

諭旨寢食靡寧旣已愚昧於前安敢暴棄於後惟有恪  
守

皇上敬慎之

寶訓時時猛省念念服膺以仰副

聖主敬

天勤民諄諄教誡之至意理合具摺叩謝

訓旨臣等不勝悚惶感切之至謹

奏

從來天人默契捷於影響其間毫髮不爽若信不及天道則不可與論人事也惟恪秉一誠而體驗之斯感應之效由微至顯自必深信而不疑矣

同日又

奏為續報雨澤事竊照四月初旬得雨分寸經臣等

具摺



奏報茲又據各屬陸續呈報前來查永平府屬之撫  
寧灤州盧龍昌黎豐潤遷安山海衛玉田俱於四  
月初六日得雨二寸至五寸不等又於十六十七  
兩日各得雨五六寸不等通永道屬之梁城所通  
州三河寶坻遵化薊州於四月初四初五兩日得  
雨四寸又於十六十七兩日各得雨露足大名府  
屬之開州於四月初七日得雨四寸正定府屬之  
井陘順德府屬之內邱沙河於四月十三日得雨

二寸至四寸不等廣平府屬之永年廣平河間府

屬之鹽山河間肅寧滄州任邱獻縣交河故城景

州俱於四月初六十三十六七八等日各得雨二

三寸至五六寸不等保定府屬之祁州安肅蠡縣

博野定興高陽容城新城涑水新安雄縣於四月

十六十七十九等日各得雨二三寸不等霸昌道

屬之大城固安密雲涿州香河懷柔東安永清宛

平大興房山良鄉順義昌平延慶衛於四月十六

十七兩日得雨十分霑足直隸冀州並所屬之南  
宮棗強直隸深州屬之安平饒陽直隸定州屬之  
新樂曲陽直隸天津州並所屬之靜海青縣於四  
月十五六七等日各得雨二三寸至四五寸不等  
宣化府屬之懷安萬全延慶赤城保安蔚縣龍門  
懷來於四月十四五六七等日各得雨三寸至五  
六寸一尺不等除俟再有報到另行彙

奏再查慶都唐縣並定州有數村莊於四月十六日

偶然冰雹麥禾此些微傷損爾等酌量無恤料理之後俱  
雨中夾電據報麥禾有被損者臣等現在委員飛

摺奏知

往查勘另

奏外所有各屬續報得雨日期分寸理合繕摺奏

聞謹

奏

目下雨澤業已霑足又須晴明數日麥禾得日以暵之  
方收長養之功京城左近地方頗覺雨水過多矣爾等  
寧未之知耶

雍正五年五月十六日吏部尚書仍署理直隸總督臣宜兆熊禮部右侍郎協理直隸總督臣劉師恕謹

奏為恭報二麥約收分數事據各道府州將麥收分數陸續呈報前來查霸昌道屬收成窪地約有九分八分及六分不等高地六分五分四分不等通永道屬收成窪地約有八分七分不等高地六分五分四分不等永平府屬收成窪地約有十分九

分八分不等高地七分六分及五分不等保定府

屬收成窪地約有八分七分及六分不等高地七

分六分及四五分不等河間府屬收成窪地約有

八分七分及六分不等高地四五分不等天津州

並所屬收成窪地約有七分六分及五分不等高

地五六分不等正定府屬收成窪地約有七分六

分不等高地四五分不等冀州並所屬收成窪地

約有七分六分不等高地五六分不等趙州並所

屬收成窪地約有七分六分及五分不等高地五  
六分不等深州並所屬收成窪地約有八分七分  
及六分不等高地七分及五六分不等晉州並所  
屬收成窪地約有八分七分及六分不等高地六  
分及四五分不等定州並所屬收成窪地約有八  
分高地五六分不等順德府屬收成窪地約有八  
分七分及六分不等高地七分六分及四五分不  
等廣平府屬收成窪地約有八分七分及六分不

等高地五六分不等大名府屬收成窪地約有十分九分八分及六七分不等高地六七分不等宣化府屬收成窪地約有八分七分及五六分不等高地七分六分及四五分不等所有各屬報到二麥收成約計分數臣等謹具摺陳明謹

奏

今歲初春光景所望不止於此及三月以來大失所望又豈料有此分數耶所奏較朕所聞尚覺少減大約八



府六州通盤合算竟有七分以上收成

所奏倉糧催補之摺於張迺回任時朕自有諭旨也

雍正五年六月初二日吏部尚書仍署理直隸總

督臣宜兆熊禮部右侍郎協理直隸總督臣劉師

恕謹

奏為奏

聞事竊查直屬興修水利營田實係

皇上惠民大政臣等屢飭地方官督率士民仰體

聖意實力奉行以收成效詎有保定府屬唐縣劣生于

超于躍劉士熙劣監于思謙等捏造將來加糧名

色恐嚇愚民將去歲已經具結情願營種之稻田

不許加功寧令拋荒以致羣相觀望經知縣臧珣

再三開諭而于超等反赴臣等衙門具詞臣等批

營田觀察使清河道會同嚴查去後無如該生等

執抗不遵并且不服拘審復赴臣等衙門具訴臣

等當卽拏交按察使等咨革嚴行究審并委保定

府知府親詣唐縣宣布

聖恩開導鄉民加意耕耘勿致廢業外但此等劣衿劣  
監輒敢造言阻撓理合奏

聞容臣等酌量情罪嚴行究擬具題請

旨懲一警百庶惡劣衿監知所畏懼而善政可收實效  
矣謹

奏

所處甚是案內人犯審明後當嚴懲之他處亦勤加察

訪如有類此不法之徒斷不可寬縱以長刁風

同日又

奏為恭報雨澤事竊查直屬雨澤愆期上厯

聖懷嗣於三月後據各屬陸續報到得雨業經屢次

奏報在案茲於五月二十二日臣等駐劄之保定郡

城天降甘雨入地三寸又於五月三十日至六月

初一日遍地得雨入土五六寸而所屬之滿城等

各州縣各據報到於五月初一及十四二十二三

等日各得雨露足四野歡忭西成有望此皆仰賴  
我

皇上敬

天勤民至誠感格之所致臣等忻幸之餘寅畏益切所有  
保定郡城得雨情形理合奏

聞伏乞

睿鑒謹

奏

目下各處雨水已覺過多矣而保定郡城於五月盡始

得透雨耶前聞滄州左近俱未得雨此時未知光景若

何直省各地方雨澤調順惟爾等駐劄之保定數處雨

暘不均朕為爾二人實愧且懼魏定國職任提刑或恐

訟獄不清乖氣致異耳慎之戒之沽名釣譽優柔弛縱

卽屬不清也果若此則爾等難以委卸其責可不慎歟

雍正五年六月初九日吏部尚書仍署理直隸總

督臣宜兆熊禮部右侍郎協理直隸總督臣劉師

恕謹

奏為奏

聞事竊查磁州地方據滏河上流州境舊有東西二閘  
攔河阻截向因治屬豫省歷年壩水不放以致下  
流地方分潤甚難去年奉

旨將磁州改隸直屬併定磁閘按五日一次啟閉水利  
均平實屬至善茲於五月二十五日當啟放之期  
有吏員沈國璉刁民顧成法等率衆阻撓不容啟

放臣等據報當卽飛飭廣平府知府磁州知州將首惡之沈國璉顧成法嚴拏究解并宣布

聖意水利務在均平豈容獨霸隨據該府稟稱沈國璉已拏監禁候審招解顧成法畏罪脫逃現在嚴緝而村民俱各帖然聽從已於六月初一日啓放矣除飭行緝拏顧成法務獲一併嚴審解究另結外其餘附和村愚分別省宥以廣

皇仁理合奏



聞伏乞

睿鑒謹

奏

直隸此等強橫之風豈可不力為革除沈國璉當嚴擬  
具題顧成法飭令嚴緝務獲伊有妻子家屬在籍安能  
遠颺耶其附和村愚槩予從寬發落卿等若能如此不  
事姑息大振委靡則歷年之頹風何難挽回朕無憂矣  
惟期力行不倦毋得偶為此一二事以取信於朕隨復

懈弛也朕之或褒或貶亦只據一事論一事就一時論一時耳勉之

同日又

奏為奏明請

旨事竊臣等據按察使魏定國呈據口北道王棠等揭報宣化縣雞鳴驛驛丞康琦廢弛驛務馬匹疲瘦又馬夫每月每名扣剋工食銀二錢等因臣等卽照例咨叅革職批飭查審去後又准巡察御史臣

苗壽等咨會雞鳴驛驛馬疲瘦理應將驛丞叅  
奏等因又據驛丞康琦詳稱夫役工食扣二又廩飯  
用一報十各驛皆然因遭宣化縣典史孫珥鑽營  
陷害等情并摺開藩臬道府縣等衙門併戶部兵  
部各項規禮書辦飯銀規禮等情揭報前來臣等  
除現在將宣化縣典史孫珥照例咨革親提察審  
實情另行請

旨完結外據按察使魏定國稟稱驛遞工料項下向有

臬司衙門陋規銀一萬六千四百六十八兩零藩  
司衙門陋規銀七千三百餘兩先經稟明在案今  
查得管驛各知府暨直隸州衙門共有陋規銀九  
千四百七十餘兩各衙門書辦陋規銀一萬餘兩  
共銀四萬有奇俱係歷來相沿等語臣等伏查驛  
丞康琦廢弛驛務罪無可逭而其所開陋弊亦應  
查究裁禁况驛站夫馬工料乃

國家經費既有羨餘自應節省歸公豈得侵漁分肥

其應作何節省歸公并收受各官應作何分別參  
追之處容臣等詳加查核審明定擬另行請

旨再布政司衙門所有地丁項下解餉陋規作何充公  
之處俟布政使張迺事竣旋署臣等一併酌量定  
議具奏請

旨合併聲明謹

奏

陋規自應裁禁第當量情酌理而為之毋得過刻致令

後來地方上諸事難於措辦也

雍正五年六月二十日吏部尚書仍署理直隸總督臣宜兆熊禮部右侍郎協理直隸總督臣劉師恕謹

奏為奏

聞事雍正五年六月十八日據良鄉縣駐防協領胡什巴等呈稱去年八月今歲二月兩季兵米未領差催知縣不給兵丁之婦孺子赴縣催討有該縣書辦

打壞縣鼓踢落公案而知縣反將兵丁毒打鎖拿等情同日又據該縣知縣冉裕棐詳稱六月十五日職正升堂有數人至前稱奉駐防要米又有男婦持仗約三四十人登堂辱罵毆散看堂人役將堂鼓雲板木梆盡行毀壞辱及卑職扯裂衣冠幸巡捕人等赴救現獲張伏兒等四人等情臣等伏查良鄉縣駐防兵米自雍正元年奉

旨折中定價以來俱係照例將銀折給官兵自行採買

自去年秋冬二季起該駐防胡什巴等以米價不敷固執不領屢次呈報請

題加增經<sub>臣</sub>等具

題於本年五月初六日准到部覆令地方官採買散給<sub>臣</sub>等隨行布政司轉飭遵照去後復檄委同知崔應階前往督令採買監放自應平情靜候設有遲誤亦應呈報<sub>臣</sub>等糾參乃胡什巴始而固執不肯領銀今委員尚未到境一任兵丁婦女闕鬧縣



堂殊屬多事除飛飭保定府知府李正茂親詣該  
縣一並監同買散一面確查實在情形稟報到日  
臣等另行具疏

題參伏乞

皇上於臣等題疏到日

欽命部員嚴行提審分別究懲以彰

國典合先奏

聞謹

奏

良鄉縣駐防兵米之事胡什巴自行投到朕已有旨矣  
無庸參奏

雍正五年六月二十八日吏部尚書仍署理直隸  
總督臣宜兆熊禮部右侍郎協理直隸總督臣劉  
師恕謹

奏為覆

奏事雍正五年六月二十二日布政使張适

陞辭回保蒙

皇上發交臣等前

奏條議清補倉糧摺子欽傳

上諭倉糧俱宜嚴查如係本人捏稱民借私行出糶卽

類此者原非虧空可比朕意當如此勒限催追故命張

應題參如糶賣有價貯庫民借並非虛捏俱限一年

適同汝二人商酌行之

追買還倉上司及前官應賠者俱照爾等所奏行又

傳

上諭雍正四年錢糧耗羨所有各官養廉著照應得養

應如<sup>是</sup>廉之數按現在徵收錢糧分數給與又傳

上諭駐防兵米不敷價銀原係公事可於公用銀內動

此<sup>係出於朕意令其助爾等協辦</sup>撥發給辦完之後著宜兆熊劉師恕與爾列名具奏

存查又傳

上諭各省所報雨澤俱各調勻惟直省雨水不時此必

因刑獄不得其平之故按察使魏定國操守朕所深

悉恐其於案件或有不明之處嗣後凡有關係民命

是

重大案件著布政使張适協同辦理欽此<sup>臣等現在</sup>

欽遵

諭旨一一敬謹奉行分案完結另行奏

聞所有奉到

上諭理合覆

奏伏乞

睿鑒謹

奏

覽

同日又

奏為奏

聞事竊查宣化府懷來縣居住之莊頭金復輝者因保  
安州吏目馮德棻差役賈亮在集巡查匪類金復  
輝將賈亮毆罵並率多人打入吏目署內將該吏  
目裂衣毆打臣等據報卽飭行按察司提審究擬  
間又據保安州知州稟稱巡察按臨收詞數十張  
而告莊頭金復輝者甚多批發卑職錄供者一二

十紙等語又據口北道稟稱莊頭金復輝恃強陵  
弱欺官害民必嚴加整飭庶知懲戒等語臣等伏  
查莊頭肆惡久在

聖明洞照之中茲莊頭金復輝恃強毆官罪跡彰彰法  
難輕縱除嚴行按察使魏定國會同布政使張迺  
嚴提案犯按款究擬外所有稟稱各情由合先奏

聞謹

奏

將金復輝嚴加究擬具題李姓烏姓莊頭等之舊例具  
在也不如是懲治惡習何能革除不但此一事他處更  
當廣為察訪毋致稍有縱容

同日又

奏為

皇恩之浩蕩無疆

朕有何可心悅誠服處第為爾等愧赧耳

膏澤之逮民至速臣等心悅誠服合詞奏

謝事本年六月二十三日據玉田縣知縣呈報六月



初六十四等日大雨滂沱山水大發還鄉河東埝  
沙溝等處堤工衝決二十餘處又薊州運河衝開  
埝口河水泛濫廬舍田禾現被水淹等情臣等當  
卽飛飭布政司委員確勘并飭地方官核實被水

情形加意撫恤具結飛覆并繕摺

所奏寧不稍遲耶保定離京咫尺過此等事自當一面

奏報隨於六月二十六日准戶部咨奉到

奏聞一面委員核實方是若云必待核實始奏則今日

上諭等因欽惟我

此奏殊未詳悉猶屬草草也

皇上軫念民瘼

恩膏廣被既

命發帑又

諭開倉蠲賦賑災有加無已仰見

睿慮憂勤

聖衷明斷臣等實屬心悅誠服感激難名除欽遵

諭旨轉飭有司加意撫恤以副

皇上愛養之至意理合具摺奏謝

天恩再據蠡縣報六月十八日陳村等處堤岸漫溢十

餘弓及二十弓不等又據高陽縣報六月十七日  
馬果莊等處堤工衝決五六弓及八九弓不等又  
據魏縣報六月初五日馬豐頭西堤決口約二丈  
各等情前來臣等飛行各該地方印河等官備料  
撥夫晝夜修築并查明被水村莊有無淹沒田禾  
俟覆到另行

奏報外合併奏

聞謹

奏

一切隄防乃民間田禾廬舍所關豈容虛應故事所委各員如少疎懈卽嚴行叅處以示儆戒

雍正五年七月初五日吏部尚書仍署理直隸總督臣宜兆熊禮部右侍郎協理直隸總督臣劉師恕謹

奏為請

旨事案照保定駐防新添烏鎗一百五十桿滄州駐防

新添烏鎗一百桿先據布政司詳稱准各城守尉  
移取火藥等項銀兩節次駁減去後據各該駐防  
回稱所用火藥火繩鉛子等項保定駐防每年公  
需銀一千七百六十一兩八錢零滄州駐防每年  
共需銀一千二百四十八兩等情事關錢糧未便  
草率隨關查山東德州并山西太原等處定例去  
後隨據德州知州陳留武覆稱德州新添烏鎗二  
百桿咨請部示照江南等省之例每年演放八箇

月每月演放六日所用火藥火繩鉛子等項每年

共需銀六十六兩六錢五分其太原駐防每年共

需銀一百四十八兩五錢零等情據此臣等伏查

保定滄州駐防新添烏鎗比之德州太原新增之

鎗數較少而應用之錢糧多至一二十倍不等經

臣等屢飭布政司張迺與各該駐防商確定議裁

減而各駐防堅不肯減事關動用錢糧若照所需

扶同請撥則開銷實屬浮冒是以未敢遽行定議

草率具

題應否比照江南山東山西等省之例臣等核實數  
目定議

題撥未敢擅便理合奏

聞伏乞

皇上睿鑒批示遵行謹

奏

自當照依各省之例題撥豈有因其不肯從減而遂曲

狗之乎此奏足見爾等無能亦屬瑣屑煩瀆之甚

吏部尚書仍署理直隸總督臣宜兆熊謹

奏為瀝情請

旨事竊臣有未婚之壻梁璨現任保定府屬定興縣知

縣臣先經

奏請撤回另補欽奉

諭旨俟得人後改補欽此今臣之女年已二十六歲向  
者臣於福建將軍任內原許梁燦為繼室因南北



路遙是以未經完婚今臣家口自閩來保若此時  
就近出嫁固屬甚便但既處嫌疑之際臣實不敢  
伏念

皇上一天下一家匹夫匹婦無不達之隱臣之私情不避  
瑣屑上瀆

天聽可否准行伏乞

皇上睿鑒批示欽遵抑臣更有請者如蒙

俞允則此番婚嫁之後通省官吏勢必盡知臣雖不敢

負

恩徇庇但恐司道等官知臣之壻或有曲為照看之處  
卽與臣之負

恩無二懇求

皇上將梁璨速賜另調則臣心始安并祈

慈鑒為此繕摺請

旨謹

奏

題請迴避可也

近日秋雨連綿禾稼恐有水澇之虞朕為此寢不安席  
食不甘味諒汝等定當優游自適也此番霖潦未必非  
汝二人昏庸愚昧之所致朕前批諭恐雨水過多之旨  
不知汝二人猶記得否

雍正五年八月初七日吏部尚書仍署理直隸總  
督臣宜兆熊禮部右侍郎協理直隸總督臣劉師

恕謹

奏為覆

奏事蒙

皇上差員外郎張文彬至臣等衙門傳

旨聞保定府城廟內五道神像被人打毀又將財神捺  
在中軍官廳是何情由且為何竟不奏聞務要將此  
人拏究將神像修整奏聞欽此臣等跪聆

諭旨悚惶驚懼伏查本年三月內城中有一二處小廟  
內神像被人打壞又將財神拋棄中軍官廳當經

清苑縣知縣祝翼會查拏張三到案訊係染患顛  
癇卽行責釋茲蒙

諭旨臣等切諭布政使張适嚴拿務獲去後據張适詳  
稱拘到該犯之兄張午據供小的兄弟張三舊年  
八月裏得了瘋病每日胡言亂語將母親都打了  
因此攆出他去如今不知往那裏去了小的情願  
協同緝拏送究等情隨據跟緝張三到案據張三  
供小的去年八月裏得了病終日昏昏迷迷胡打

亂罵的母親把小的捧出來日裏向人家要飯吃

夜裏在各廟內睡有一晚上小的見一箇黑大漢子踢小的一脚小的就與他打架把他打倒了那時節都是糊裏糊塗的後來被縣裏拏去打了幾箇板子就好些了小的討飯到新城縣舅舅那裏舅舅替小的醫治出了汗心裏清楚了如今病還沒大好被公差拏來了等情據此查張三現稱病尚未愈難以刑訊統俟醫治病痊確審實情另報

外合先詳報等因前來臣等除一面批飭作速撥  
醫調治務痊嚴訊實情另行具奏請

旨外所有拏獲緣由合先奏

聞至所有廟宇神像現在購料興工加倍修整合併聲  
明謹

奏

張三是否病瘋固宜確審明白且據伊兄供伊毆母寧  
不當究訊耶

同日又

奏為欽奉

諭旨據實覆

奏事竊臣等齎摺千總回保捧到奏摺奉

硃批永定北運決口甚多因何並不奏聞欽此伏查玉

田等處隄埝衝決臣等據報兩經繕摺奏

聞蒙

皇上敕發帑銀



欽差大臣分路查賑并怡親王等寄字臣等續報之處  
動地方公用銀兩一體撫恤如何料理之處密摺  
奏

聞臣等自此之後凡各屬有報衝決及被水者一面飭  
令搶修堵築察其情形稍重者一面委員齎銀前  
往路遠不能帶者令其就近於道府等庫借支會  
同地方官隨宜撫恤并令逐一確勘將被水村莊  
實在乏食貧民親加查核造冊具報咨會

欽差酌量賑濟臣等愚昧誤以札中之意似可一面確  
是何言歎寄字原著爾等密摺奏聞以便朕隨宜批諭  
查一面辦理統俟查勘明確料理妥適繕摺奏  
極救未令爾等諱匿不奏也可謂庸愚之極  
聞是以永定北運續報衝決處所未經續

奏而此外尚有霸州東安永清保定大城文安通州

三河寶坻梁城所博野新安清苑雄縣安州定州

新城滿城東鹿河間肅寧滄州青縣任邱晉州深

州南宮隆平南和任縣邯鄲肥鄉各州縣陸續報

到有稱隄工漫溢有稱地畝被水等情臣等亦俱

飛飭確查咨會料理不敢瀆

豈容事事昏憤耶奏此實臣等之昏憤不能仰體

皇上軫念民隱之至意也今蒙

降旨察詢臣等不勝悚懼伏念臣等受

恩深重身任封疆不能感召

天和於暮春缺雨之時見爾等視為膜外朕已知必有此沴矣况病狂之人割截神像竟皆視為尋常事設或有人

聖懷每接報水之文心驚神悸刻不自安是不敢紛紜  
毀傷爾等父母諒爾等亦如秦人之微忱然而隨到隨查  
瑣奏者實臣等恐懼悚畏之微忱然而隨到隨查

慢忽不敬之心而妄求神佑則何異不孝子而責望父

母之慈愛於己也豈可得乎自朕諭明此事此一月晴

欽差察核辦理斷不敢負

明之應捷如影響

恩膜視粉飾隱諱以干罪譴但臣等庸愚無識不能仰

天道不爽神明之允宜敬畏豈不昭然益著耶古人云敬

勝怠則吉怠勝敬則凶不誠不敬以致身罹殃咎雖悔

宸衷動多錯誤屢費

何及

聖心對影自慚負罪實甚伏乞

此八字甚無謂殊非大公之論朕深惡之

皇上洪施使過之仁曲賜矜余之德俾知敬惕黽勉將

來則臣等頂戴

聖慈銜感靡旣矣理合覆

奏伏乞

皇上睿鑒謹

奏

覽

雍正五年九月十五日吏部尚書仍署理直隸總  
督臣宜兆熊禮部右侍郎協理直隸總督臣劉師  
恕謹

奏為奏

聞事竊查直屬天津關經前任督臣李紱

題請將解任按察使浦文焯管理稅務今查該關自

雍正四年八月二十八日起連閏扣至本年七月

二十七日止一年限滿內浦文焯自上年八月二

十八日起至本年六月二十七日赴保候審東光

縣一案止鹽道趙國麟自本年六月二十八日署

事起至七月二十七日止臣等屢次誠諭令將所

收稅銀儘收儘解而浦文焯仍復瞻顧歷年成數

止據報收羨餘銀二萬餘兩臣等因傳該關書辦

任致中到案令其逐一供報隨據開出自上年八

月二十八日起至本年七月二十七日止一年所

收稅銀除已報外尚未報出羨餘銀一萬六千五

百九十二兩零所有部科平飯各役工食及該員

養廉等項俱在其內臣等伏查關上使用縱有必

需該員亦應據實開報俟臣等酌議請

旨恩典出自

皇上況所匿之數卽有需用亦斷無如許之多乃浦文焯一槩朦混全行侵隱此等欺公貪利之員若非嚴行究追從重治罪無以為經手錢糧玩法者戒至趙國麟亦未據實申報不無扶同情弊相應一併質審除繕疏

題叅外理合先行奏

聞伏乞



睿鑒施行謹

奏

據實糾參足見汝等不事瞻徇但業經具題何必又行摺奏且並無密請諭旨再為題達之處此奏甚屬煩瀆

同日又

奏為請

旨事竊查直屬津軍廳同知衙門額徵海稅一項今年春季分據署津軍廳同知翰林陳儀止報收銀一

百二十兩零臣等訪聞此項稅銀每年可收六七  
千兩因嚴行駁查去後始據報增春季銀三百八  
十一兩零夏季報收銀一千一百二十四兩零而  
所增之數與臣等所訪之數仍屬不敷明有侵匿  
雖得之傳聞未便即行參究然斷難仍令管理相  
應另選勤慎之員徵收臣等嚴加考核儘收儘報  
如陳儀果有欺隱之處另行參

奏理合先行奏

聞謹

奏

應委員更換陳儀若果有欺隱情弊辜負朕恩更當加倍處分

同日又

奏為奏明事竊查宣化府城北門外因逼近洋河水勢洶湧向築石壩以資防護今據布政使張迺呈據宣化縣知縣俞士恒詳稱東頭舊築石壩被水

衝塌八丈有餘向係官築官修今喚匠估計共需  
工料銀七百四十二兩零應請

奏明在於庫貯雍正四年充公耗羨銀內動支給發  
修築再西頭新築石土二壩中間亦有裂縫處所  
且堤岸堤根俱經傾卸查此項新壩係欽奉

諭旨派原任宣化鎮總兵官張自誠之子張文燦修築  
保固三年在案已奉咨准山西撫院將張文燦檄  
發到宣現在修理等情前來臣等除將估計清冊

咨送工部並嚴催張文燦修築完竣外所有宣化  
府城北門外石壩請動耗羨修補緣由理合

奏明伏乞

皇上睿鑒批示謹

奏

知道了總宜督令修築堅固以奏一勞永逸之效不然  
修補何有了期徒責取保固之名究無益也

同日又

奏為請

旨事竊照直屬布政司衙門向有錢糧平飯一項按察  
司衙門向有驛遞公費一項凡各衙門養廉及部  
科飯銀等費均於此取給今按察司驛遞公費既  
已裁革則布政司錢糧平飯自應一并歸公以昭  
畫一臣等卽諭令確查去後茲據布政使張适開  
報前來臣等逐一查核所有布政司衙門各項通  
共平飯銀三萬二千八百六十兩相應

奏明一并歸公再查按察司衙門每年驛站

奏銷部科飯費銀三千兩今驛遞陋規業已裁革無庸議給又布政司衙門五年一次編審部費銀二千二百兩臣等已通行嚴禁私派無庸議給又按察司衙門每年刑名飯食銀六百兩應聽該司於養廉內自行支給又布政司衙門每年地糧

奏銷部科飯食銀三千四百兩於充公耗羨項下動支今應照數於

恩賞臣等公用銀內撥給布政使張迺料理無庸置議  
外惟是督臣養廉銀七千兩學臣養廉銀二千兩  
布政司每年養廉辦公銀約需一萬兩按察司每  
年養廉辦公銀約需八千兩向者俱於錢糧平飯  
及驛遞公費之內取給茲叩懇

皇上天恩俱於充公耗羨銀內動支以上通共應需銀  
二萬七千兩臣等未敢擅便相應繕摺

奏請



皇上睿鑒批示欽遵謹

奏

在爾等酌量為之朕不便代為畫定準繩此等銀兩只宜歸於地方公用之項不可歸於庫帑項下也至於督臣七千兩之說係李維鈞狡詐之為將公項任意取用則七千兩之數不過虛設一名色以相誑耳名為養廉實巧濟其貪也督臣養廉朕意應與以二萬金今汝二人各領萬金為一切日用薪水之資此外爾等平情酌

理而區畫之亦不必矯廉過刻致令宦場局促至於捉襟露肘不但不近情理而亦萬不能行之久遠也

雍正五年十月十九日吏部尚書仍署理直隸總

督臣宜兆熊禮部右侍郎協理直隸總督臣劉師

恕謹

奏為奏

聞事據大名府朱必塔申報本年九月二十八日知府奉巡院關御史李御史牌開據廣平府成安縣典

史沈浩稟稱有吳二指稱投充本院內司等情又據典史沈浩首出吳二合同書信合同內開代辦要務議定銀二千兩先交三百兩文到交二百兩事成全完又吳二出首典史履歷一紙發審等因卑府審訊各供典史沈浩託吳二謀陞正印立有合同但沈浩係現任職員礙難審訊除詳覆巡院外擬合報明等情據此臣等查吳二是否巡察御史關住李徽之家人與該典史如何商謀立約代

圖陞轉抑係吳二冒捏拐騙必須嚴審方得實情  
除移咨吏部將典史沈浩斥革行令兩司會審詳  
解外合將據報情由繕摺奏

聞伏乞

皇上睿鑒謹

奏

此事爾等秉公嚴究務得實情向聞關住家人素不守  
分關住人亦平常伊乃怡親王之小舅王殊鄙薄之情

如冰炭也爾等密知之

雍正五年十一月十八日吏部尚書仍署理直隸  
總督臣宜兆熊禮部右侍郎協理直隸總督臣劉  
師恕謹

奏為請

旨事竊照直屬各營馬步兵丁將下年春季之餉俱於  
上年之冬借司庫存貯銀兩先行支給俟部撥之  
後徵解到日卽行清扣完項由來已久今據布政

使張迺呈稱兵丁糧餉最為緊要如奉部撥到日始據所屬徵收解放則春季餉銀勢須稽延值此歲暮兵弁不無稱貸空乏之虞應請將直屬各提鎮協營廳并各駐防應需雍正六年春季兵餉銀二十四萬八百六十七兩零循照向例在於司庫現存雍正四年地糧銀內照數先行撥解各司餉之道府州等衙門按名散給以資兵食等情前來據此臣等伏查向例似應仰體

皇仁先行借給俟部撥徵解到日歸還原項於窮兵實  
有利益但事關借支臣等未敢擅便相應

奏明伏乞

睿鑒施行謹

奏

自應循照向例借支為是

同日又

奏為續報得雪事竊照保定郡城於十月二十日得

有瑞雪經臣具摺

奏報今據各屬陸續呈報前來查霸昌道屬之大城  
文安保定固安東安霸州懷柔永清平谷各得雪  
三四寸不等昌平良鄉延慶衛房山順義涿州各  
得雪一二寸不等通水道屬之薊州通州武清遵  
化寶坻三河得雪三寸至七八寸不等永平府屬  
之昌黎遷安樂亭撫寧灤州豐潤盧龍玉田山海  
衛各得雪五六寸至九寸不等保定府屬之容城



新城得雪一寸清苑安州慶都祁州深澤蠡縣東

鹿高陽新安唐縣滿城雄縣定興完縣博野涑水

易州各得雪二三寸至五寸不等河間府屬之河

間獻縣寧津故城交河鹽山景州慶雲阜城滄州

任邱東光肅寧吳橋各得雪三寸至五六寸不等

正定府屬之平山井陘獲鹿靈壽得雪一二寸樂

城正定元氏行唐阜平得雪三四寸順德府屬之

南和沙河鉅鹿唐山邢臺廣宗內邱平鄉任縣得

雪三寸至一尺二寸不等廣平府屬之廣平成安

永年曲周威縣磁州雞澤肥鄉清河邯鄲各得雪

三四寸至一尺不等大名府屬之清豐東明魏縣

大名元城南樂開州長垣各得雪三寸至一尺不

等宣化府屬之西寧得雪二寸天津州得雪二寸

所屬之靜海得雪六寸青縣得雪二寸冀州屬之

南宮得雪二寸新河武邑棗強得雪五寸至一尺

不等趙州得雪二寸所屬之寧晉高邑栢鄉臨城

隆平得雪三四五寸不等深州得雪五寸所屬之  
安平武強饒陽得雪三四五寸不等晉州得雪三  
寸藁城得雪六寸無極得雪四寸定州得雪二寸  
曲陽得雪三寸新樂得雪二寸各等因臣等正在  
繕摺

奏報間據保定府知府報稱十一月十六十七兩日  
郡城得雪八寸餘四野霑足臣等伏念當此隆冬  
屢降瑞雪徧地均沾明春二麥豐稔可期所有各

屬得雪情形理合恭

奏伏乞

皇上睿鑒謹

奏

冬雪為來歲豐收之兆然麥田究以春雨為主爾等切  
勿肆志自滿當倍勵公清敬慎以迓

天庥勉之勉之

同日又

奏為懇請代

奏給假省親事據直隸廣平府知府鄭錫爵呈稱雍正五年二月二十八日吏部帶領引

見三月初一日恭請

聖訓卑府面

奏臣父年八十三歲臣母年八十歲雍正三年七月

內蒙

特恩補授貴州貴陽府知府至今家信不通求

皇上量賞臣假紆道省親欽奉

諭旨鄭錫爵著補授廣平府知府廣平府知府王允玫著調補平涼府知府鄭錫爵速行到任俟秋成後給假回籍省親卑府又

奏容臣屆期詳請督臣代

奏請假復蒙

恩旨俞允茲已時屆秋成應遵

旨請假回籍因錢糧正在督催完納倉糧亦須親歷盤

查卑府不敢以烏烏私情貽誤公務懇乞據情代  
奏俟封印之後給假回籍省親至開印之日即便回  
任則職守不致曠廢而人子之情亦得稍盡矣等  
因呈詳前來臣等理合據情代

奏應否

准其回籍省親伏乞

皇上批示欽遵謹

奏

淮與伊假但伊為何不迎養其父母至任所以盡子道  
朕觀鄭錫爵係一老成忠厚人材質中平與廣平之任  
頗相宜否

同日又

奏為遵

旨議奏事竊臣等奏發原任廣平府曲周縣訓導董彝  
等條奏四摺蒙

皇上硃批條奏四摺爾等訪察詳議可行與否奏聞欽



此臣等欽遵逐一訪察議覆備開於後

一據原任曲周縣訓導董彙奏稱曲周縣東橋地方商米於此卸載開有糧店數十間窮民藉脚運餬口不下數千人有司指稱帖稅橫徵或將脚戶濫派差徭甚至買補倉糧短價給發大斗量收請行查禁等語臣等查曲周縣額徵糧食牙帖稅銀止七兩二錢今訪得該縣每年共徵銀八十四兩實屬濫徵今飭令照額之外不得絲毫濫徵倘敢

故違一經發覺從重嚴叅至脚運窮民每日所獲  
不過數十文細加訪查實無濫派差徭之事其買

補倉糧短價大斗一節訪之從前縣令原有此弊  
似此等弊須嚴行查禁務絕其源不得虛應故事今爾  
近來採買俱係按照時價發給倉斗量收並無措  
等既此奏尚後再有人言弊實未清爾等向顏對朕  
勒但恐法久弊生應如所奏嚴加示禁倘有前弊

耶

據實嚴叅

一據原任曲周縣知縣喻斌奏稱曲邑東南鄉有  
香城固地方請將把總移駐於彼以查緝匪類護

守倉糧等語臣等查該縣止有把總一員獄囚倉庫與門禁鎖鑰均關緊要若移駐香固集則城守空虛似非輕重得宜至奏稱護守倉糧一節查倉庫止應在城不便建蓋於市鎮所奏應是無庸議

一據原任保安州知州駱為香奏稱保安一州止有文職查懷來縣之新保安現設有叅將守備把總或分撥一員帶兵駐防州城等語應如所奏於保安堡內抽發把總一員帶兵二十名移駐州城

協同防守抑臣等更有請者延慶州城內亦無武弁似應於附近之永寧各路內酌量移駐一弁以資防守如蒙

俞允臣等另行詳議具

其題請旨  
題

一據原任懷來縣知縣張彥昌奏稱懷邑不食蘆鹽每年包納鹽課五百七十餘兩民戶獨認紳衿旗莊竟皆漏脫懇飭均完等語臣等確查俱係紳

民按畝均攤並無民戶獨認之弊今再嚴飭守土  
務令均平毋致偏枯  
各官實力奉行毋致脫漏滋弊至旗莊均攤一節

查旗莊田賦不由州縣完納此項蘆課不便獨派

均完所奏應是無庸議又據奏稱沙城保東隸懷來

西隸保安盜竊事發互相推諉查懷來縣之新保

安文職有東路同知武職有叅將守備把總懇議

一員東西均轄等語臣等查新保安與沙城堡相

去不過二十里應飭行該同知嚴密稽察并令懷

此等處若不力行嚴飭空言無益

保二州縣力行保甲遇有竊發案件督飭該地方

官無分彼此疆界協力緝拏如州縣並排甲人等

袒護岐視者該同知分別詳揭拏究以警玩忽似

可不必紛更舊制其所奏於新保安同知叅將內

議調一員駐劄沙城堡之處亦無庸議可也以上

各條臣等遵奉

諭旨逐一訪察詳議具

奏是否有當伏乞

皇上睿鑒批示欽遵謹

奏

覽

雍正六年正月二十四日吏部尚書仍署理直隸  
總督臣宜兆熊吏部右侍郎協理直隸總督臣劉  
師恕謹

奏為奏

聞事雍正六年正月初二日臣等聞天津州水師營兵

丁與葛沽鎮當商互相爭角擁擠理事同知三保公堂嚷鬧一事當即檄委西路同知崔應階確查去後隨據理事同知三保詳稱旗丁傅成額等數百人劫去差役趕打衙役且將磚石拋擲滿堂種種不法請咨都統曉諭等情於十四日據西路同知崔應階等詳稱遵奉確查隨傳齊一千人犯會同理事同知併協領公同研訊當商劉召賓并旗兵德寶伯壽傅成額及衙役李全仁張宗智等取



具各供緣德寶會將衣服赴葛沽當舖質錢劉召  
賓因錢少不肯多質德寶等恃旗爭鬧召賓隨赴  
理事同知衙門遞稟及理事同知傳訊見傳成額  
復率領多人打鬧公堂該同知當卽通報在案旗  
兵因係初至間有愚頑生事且不知理事同知為  
專理旗民互控事件之員遂爾擁擠多人一時喧  
嚷此亦情之所或有者可否念伊等初至理法未  
嫻懇請俯賜轉咨都統轉飭各該佐領會同理事

同知將傅成額德寶鞭責發落以警將來仍曉諭八旗兵丁使知同知為專理旗民互控事件之員以便各守法度庶理事之責有攸歸而兵民亦得相安於永久等情臣等伏查兵丁強悍法所難寬若官員受賄致滋事端亦難輕縱今此案先據同知三保詳報傅成額等嚷鬧公堂內有伯壽等指其受賄一節及臣等訪聞該同知又有開鋪漁利及放餉遲措等事又據該同知稟稱旗兵強取鋪

戶物料種種情節均應嚴查今據西路同知崔應階等會審詳覆前來彼此瞻徇實情未得除一面檄委通水道高鑛前往天津并一面咨會都統臣鄂齊亦委大員會同高鑛研審務得實情分別究擬詳到另行劾

奏外合將委差緣由繕摺奏

聞伏乞

皇上睿鑒謹

奏

已另有旨矣原非汝等欺誑徇昏庸無識之督撫所能查究清楚之事況委高鑛等類舞弊營私之人前往會訊欲得實情更屬可笑

雍正六年二月二十三日吏部尚書仍署理直隸總督臣宜兆熊吏部右侍郎協理直隸總督臣劉師恕謹

奏為恭報春雨事竊照目下節屆清明正田疇需雨

之時茲保定府清苑縣地方自二月二十一日至  
二十二日得雨三四寸不等土膏霑透餘俟各屬  
報到另行續

奏外所有清苑縣得雨情形合先奏

聞伏乞

睿鑒謹

奏

此番春雨應時自然係汝二人秉公執正清理刑政實

心為國為民至誠感召之所致日前若將毀傷神像之  
瘋人正法且將實心辦事之藩司張迺正直無私之臬  
司魏定國保留在任更不知如何雨暘時若也

雍正六年三月十七日吏部尚書仍署理直隸總  
督臣宜兆熊吏部右侍郎協理直隸總督臣劉師  
恕謹

奏為奏明事竊照宣鎮派往阿爾泰種地官兵今當  
更換之期所有行糧馬價等項銀兩業經臣等恭

疏具

題請撥在案臣等查前次步兵三百名尚有賞給鐵  
鋤鐵斧皮馬褂翰鞋木碗烏鎗雨套銀兩前任督  
臣李維鈞於扣捐俸工項下支給今次更換各兵  
除烏鎗停其帶往則雨套亦無庸製備應核減銀  
九十兩其餘鐵斧等項共需銀五百三十九兩四  
錢相應於充公耗羨項下循例撥給理合

奏明伏乞

皇上睿鑒謹

奏

應如數撥給其雨套銀兩何必核減賞與兵丁令其從容足用可也

同日又

奏為請

旨事竊查雍正六年春夏二季分兵米現據良鄉縣知縣冉裕渠玉田縣知縣馬鴻俊署東安縣知縣戴



謨并東安縣駐防博爾本等各呈稱所有兵米雖經照數散給但現在時價每石一兩五六錢不等不敷買食詳請加增各等情前來臣等伏查雍正五年春夏二季各兵米因每石定價一兩不敷採買蒙

皇上天恩特諭臣等於折中定價之外酌量加增在案今春米價不若上年之昂貴豈便以每石一兩五六錢貪冒妄混可否每石量增銀三錢於司庫充

公項下照數撥給以資不敷出自

聖恩至其餘各州縣如再有詳到者臣等亦照此議酌量辦理事竣彙摺覆

奏是否有當伏乞

睿鑒批示遵行謹

奏

爾等虛公確訪地方時價酌量增給

同日又

奏為續奏雨澤事竊照直屬得有春雨經臣等兩次具摺

奏報今又據各屬呈報得雨前來查霸昌道屬之霸州等各州縣於二月二十二及三月初一初四五等日得雨一寸五分至三四寸不等通永道屬之寶坻等各州縣於二月二十一及三月初一初四五等日得雨一寸五分至三四寸不等永平府屬之山海衛等處於二月十八二十二及三月初

五等日得雨一二寸至四寸不等保定府屬之清

苑等各州縣於二月二十二及三月初四五等日

得雨二三寸至五六寸不等河間府屬之東光等

各州縣於二月二十一及二十八九等日得雨

一二寸至四五寸不等正定府屬之阜平等各州

縣於二月二十一及三月初一初四等日得雨

二三寸至九寸不等順德府屬之平鄉等各縣於

二月二十一及二十九等日得雨一二寸不等

廣平府屬之曲周等縣於二月二十二三及二十

八九等日得雨一二寸不等大名府屬之魏縣等

各州縣於二月二十三及二十八九等日得雨

三寸至五寸不等宣化府屬之蔚縣等各州縣於

二月二十一二及三月初一等日得雨二寸至四

寸不等直隸冀州趙州並所屬之棗強隆平等縣

於二月二十一二及二十八九等日得雨一二寸

至五寸不等直隸深州並所屬之安平等縣於二

月二十八九及三月初一初四等日得雨一二寸  
至五寸不等直隸晉州定州並所屬之藁城新樂  
等縣於二月二十八九及三月初一初四等日得  
雨二寸至五六寸不等直隸天津州並所屬之靜  
海縣於二月二十二及二十九等日得雨二三寸

不等臣等伏查直屬各郡邑甘霖屢降到處普霑

朕簡任督撫以分猷宣化四時雨暘之順序僭差全關

現在二麥豐稔可期臣等敬謹思維益

於督撫吏治之優劣而實由於朕也第豈庸愚輩所能

天和實本於

領會者耶  
聖心而雨潤皆由乎

帝澤臣等抃舞之餘

何嘗敬信何嘗寅畏不過為一己

之利害功名之得失交戰於胸中耳不解寅畏敬信之

懲勉力修職以期仰副我

理所謂愈加者何事  
皇上敬

天勤民之

聖意於萬一為此繕摺謹

奏

覽

雍正六年四月十六日署理直隸總督臣宜兆熊  
協理直隸總督臣劉師恕謹

奏為奏

聞事竊臣等訪聞得保定府屬之容城縣因知縣李鍾  
俾懲役過嚴於本年四月十四日六房書吏及三  
班衙役俱各散去臣等伏查懲役固宜寬嚴得當  
但在官人役似此要結挾制此風斷不可長除一  
面飭諭保定府知府李正茂遴委順義縣知縣廖



翼前往容城縣確查起事情由拏為首各犯究訊  
另結外理合奏

聞謹

奏

昨者山東亦有類斯一事似此衆役挾官殊屬藐法刁  
風豈容滋長自應嚴究其中必有為首倡率之人務宜  
察出重處以示懲戒

雍正六年四月十九日署理直隸總督臣宜兆熊

協理直隸總督臣劉師恕謹

奏為奏

聞事竊查保定郡城自四月初十日以後民間有患頭  
疼身熱之證者初則三四日即愈近日傳染漸多  
愈亦稍遲訪之廣平正定近山西之處民間染患  
者亦多臣等現在建立醮壇齋戒禳解一面配合  
寸金丹等藥於郡城處所設立藥局施捨拯濟外  
臣等仰見我

皇上念切民瘼理合據實奏

聞謹


奏

月初以來都城內外患斯證者頗多幸

天心仁愛不過數日卽愈近漸止息矣更聞江浙山陝亦  
皆如此大約傳染自南而北所屬地方如時氣消退之  
後具奏以聞



硃批諭旨卷四十四下



總校官庶吉士臣侍朝

校對官編修臣莫瞻錄

謄錄監生臣吳靖